

Guangjisi Minzuz Bau

ganbbau: CN45-0036 B.2014 Nd.11 Ng.19 liggaueq gyapngux nienz nyinbndwengoujngeibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3149期

Denhdwngj Yen Vunzlai Muengh Miz Cezmuz Gvangjbo Denyingj Densi Aeu Vahcuengh Bo

天等县壮语广播影视节目有“市场”

9 daengz 10 nyied, Denhdwngj Yen Minzuzgiz comz vunz roengz gihcwngz, bae caz gij cingzvang vunzlai muengh mbouj muengh miz cezmuz gvangjbo denyingj densi aeu Vahcuengh bo, caemhcaiq cam vunzlai baenzlawz guh ndei hong gvangjbo denyingj densi Vahcuengh.

Baez diucaz neix camcaz daengx yienh 13 aen yanghcin 26 aen cunhvej(segih) 520 ranz(vunz), gungh caz 15 aen fuengmienh, gungh sou dauq gij gienjcamdap 520 faenh.

Ginggvaq camcaz rox, gij gienj-camdap ndawde han naeuz bingz-ciengz aeu Vahcuengh doxyau de ciemq 84%; gamjdaengz Vahcuengh depgyawj simvunz ciemq 88%; gyaemzmaij gvangjbo denyingj densi Vahcuengh ciemq 81%; dingq rox gvangjbo denyingj densi Vahcuengh ciemq 97%. Neix couh naeuz aen yienh neix vunzlai muengh miz gvangjbo denyingj densi Vahcuengh.

Doenggvaq camcaz nem yenz-giu, Denhdwngj Yen gij hong guh

gvangjbo denyingj densi Vahcuengh de lij miz geij aen vwndiz daeuz: Ndaw yienh gvangjbo denyingj densi Vahcuengh noix; bouxgicej bouxbien nem bouxboqyaem noix ndaej camgya conhyez beizyin, rox vah dangdieg noix, conhyez suiijingz daemq; cezmuz mbouj lai, cezmuz maenh-ndei noix. Yienghneix le, aen yienh neix nyinhnaeuz: Wnggai haenqrengz fazcanj gvangjbo denyingj densi Vahcuengh.

(Vangz Souciz/黄寿积)



Sanhgyangh: Banh Lai Aen Hozdung Angq Gvaq“Song Aen Ciet”

三江:多彩活动庆“双节”

11 nyied 15 hau, daihcib' it gaiq Cunghgoz(Liucouh · Sanhgyangh) Duncuz Cietdohyeh nem daihsam gaiq Cunghgoz daih Gveilinz · Siengh(Huznanz) Gvei(Gvangjisi) cietfungcingz dangdieg youq Sanhgyangh Duncuz Swciyen haidaeuz gawjhengz, baez hozdung neix guh ngoenz, aen yienh neix gak aen gingjih banh lai aen minzsuz hozdung angq gvaq“song aen ciet” neix, hozdung miz cuk ceiz, ngaiz bak ranz, bak boux dazmae, vaiz doxdaemj daengj, neix dazyinx haujlai hekyouz daeuj yawj. Ndaw doz dwg bak boux byaujyenj dazmae.

(Gungh Bujangh/龚普康 ing)

Cauhbingz: Senhveiz Yauzcuz Yangh Canjyez Fazcanj Ndaej Gig Ndei

昭平:仙回瑶族乡产业发展成绩喜人

Daj bineix daeuj, Cauhbingz Yen Senhveiz Yauzcuz Yangh baengh diegbya lai, diegnamh gawh, comz-rengz ca' ndei hong ciu vunz daeuj roengzienz nem fazcanj canjyez, cungdenj gung cazyouz, raetgwn daengj canjyez daeuz, coengh nungz-

minz laisou, hawj ginghei ndaej diuqyat fazcanj baenaj. Bineix buenq bi gonq, aen yangh neix gaenq guh sat hong guh hanghmoeg laeb aen gihdi ganq dinfaex cazyouz 20 moux, roengz 250 lai fanh maenz guh sat gij ranz ndaw canj gyagoeng raetgwn de 1300

lai bingzfanghmij, caemhcaiq ndaej yungh, goq vunzgoeng dangdieg 60 lai boux; roengz 400 lai fanh maenz laeb baenz aen gihdi dajndaem makgam-dangz 1000 lai moux ndeu.

(Cwnggh Fanzgez/曾凡杰 Hoz Senhgunh/何先坤)

SIUSIK DINJ

简讯

● 10 nyied 29 daengz 30 hau, aen hoih daengx guek hong vah saw minzuz youq Gveicouh Swngj Genzdunghnanz Myauzcuz Duncuz Swciouh Leizsanh Yen hai. Baez hoih neix nyinhcaen gvancez gij cingsaenz gvendaengz aen hoih cunghyangh guh hong minzuz, doxyaeng nem anbaiz duenh laeng hong vah saw minzuz, caemhcaiq guh yienhcieingz diuyenz nem doxyau hozdung.

(Gyaz Yicinh)

● 11 nyied 16 hau, Lozcwngz Mulaujcuz Swciyen ginggvaq Vaizbauj daengz Yungzsuij Duncouz goengloh hanghmoeg cingqsik haidaeuz guh. Aen goengloh gunghcwngz hanghmoeg neix gungh roengzngaenz 4.99 ik maenz, raez 59.738 goengleix, dajsuenq guh 2 bi, dangqnaaj, ngaenz daengz dieg caez lo.

(Liu Gvanghfuz)

● 11 nyied 15 hau, Dasinh Yen gawjbanh hozdung comz bouxcoz ndangdog doxyau, ndawde bau aendomq daengj hozdung gig mizyinx, neix dazyinx 100 lai bouxcoz ndangdog daj Gvangjdungh, Ginhcouh daengj daeuj camgya.

(Cinz Civanj)

● 11 nyied 12 hau, Swhyenz Yen Cehdenz Myauzcuz Yangh dauqcawq vunz riu vunz angq, go ndei dingq foux ndei yawj, 3000 lai boux ganbu nem ginzung daj dangdieg nem yanghein doxyawj doxcomz giz ndeu, aeu go foux minzuz daeuj angqhoh laeb yangh 30 hopbi.

(Couh Vwnzcin)

● 11 nyied 13 hau, Ginhsiu Yauzcuz Swciyen Dacangh Yangh gawjhengz 2014 nienz Cunghgoz Gunghginh gyaezcoengh lwgmbwk “lanzdenh (mbwnheu) cinhleiz (vaseizcin) giva” cienzbanhag fathawj yizsi, fat cienzbanhag hawj 9 boux hagseng ranz gungzhoj, moix boux ndaej 400 maenz.

(Cau Binhnngz)